

# ENSTRIKSYON POU VIZIT NAN JACKSON HEALTH SYSTEM

Vizit se yon pati enpòtan nan eksperyans ak retablisman yon pasyan, epi Jackson Health System ankouraje vizit nan yon anviwònman san danje nan klinik yo. Si yon pasyan nan yon sitiyasyon espesyal ki mande pou l pa suiv enstriksyon sa yo, li ta dwe pale avèk yon direktè jeneral, direktè operasyon, direktè medikal, yon direktè swen enfimyè, direktè adjwen swen enfimyè oswa yon administratè responsab. Y ap fè eksepsyon lè sa posib ak nenpòt lè règleman leta oswa Federal yo aplike.

Selon lalwa Florid, chak pasyan kapab chwazi yon « asistan esansyèl » ki kapab vizite pandan dezèdtan anplis pa rapò ak limit tan ki nan politik sa a.



## ENSTRIKSYON JENERAL POU VIZIT

- Tout vizitè yo dwe respekte egzijans pou mete mask la, sa gen ladan mete mask ki kouvri bouch ak nen nòmalman.
  - Kachnen ki pase nan kou ak mask ki gen valv ekspirasyon ladan yo se pa ranplasman akseptab, epi Jackson p ap bay yon mask jetab pou ranplase yo.
  - Vizitè ki nan zòn sansib oswa sila yo k ap vizite pasyan ki vrèman kontajye – tankou moun ki gen COVID-19 – dwe mete mask N95 ki kouvri bouch ak nen yo toutan. Epi tou, yo kapab oblije mete lòt Ekipman pwoteksyon pèsònèl (EEP) yo yon fason ki apwopriye pou respekte prensip anplwaye Jackson yo ap respekte nan menm lokal la.
- Vizitè yo dwe prezante nan yon pòs sekirite pou yo jwenn yon badj vizitè ki dwe sou yo pandan tout tan an. Lè vizitè yo prale, yo dwe pase nan yon pòs sekirite pou pwòch yo kapab resevwa lòt vizitè.
- Jackson gen dwa pou kontwòle vizitè yo epi pou pran tanperati yo. Vizitè ki malad oswa ki gen lafyèv, nen k ap koule larim, tous ki pèsiste, souf kout, kè plen, vomisman ak/oswa dyare pa otorize pou antre nan etablisman nou yo. Envite yo konfime ki gen COVID-19 oswa yo sispèk ki gen COVID-19 oswa ki te gen kontak dirèk ak yon moun yo konfime ki gen COVID-19 p ap otorize pou yo antre. Yo kapab bezwen rekontwòle vizitè ki kite etablisman an pou yo kapab antre.



## ENSTRIKSYON POU VIZIT PASYAN KI ENTÈNE

- Majorite pasyan ki entène yo kapab gen jiska de (2) vizitè anmenmtan soti 8 a.m pou rive 8 p.m chak jou. Lòt vizitè yo dwe ret tann deyò oswa vini yon lòt fwa. Manm pèsònèl ki nan sal la ap avèti vizitè yo 15 minit anvan lè vizit yo fini.
  - **Pasyan ki nan pedyatri yo**, tankou moun ki nan swen entansif, kapab gen toulede vizitè yo ki rete pase nuit lan.
  - **Pasyan ki nan matènite yo** kapab gen yon vizitè ki rete pase nuit lan.
  - **Pasyan adilt ki nan swen entansif yo** kapab gen yon vizitè nan lè vizit yo, epi yo kapab mande apwobasyon administrasyon an pou yon vizitè ki rete pase nuit lan.
  - **Tout lòt pasyan adilt yo** kapab mande apwobasyon administrasyon an tou pou yon vizitè ki rete pase nuit lan.

- **Pasyan sante konpòtmantal yo**, tankou adilt ak timoun, kapab gen yon vizitè pandan inèdtan pa jou selon orè ki annapre a:
  - **Jackson South Medical Center:** 6 a 7 p.m. chak jou
  - **Jackson Behavioral Health Hospital:**
    - 5 a 6 p.m chak jou pou pasyan siyati yo kòmanse avèk A-M
    - 6 a 7 p.m chak jou pou pasyan siyati yo kòmanse avèk N-Z
- Timoun ki poko gen 12 lane yo kapab vini vizite pandan lè vizit yo, akondisyon gen yon granmoun ki vini avèk yo epi yo resevwa otorizasyon pasyan an oswa moun pasyan an deziyen pou reprezante li a epi ekip ki ap pran swen pasyan an.

### ENSTRIKSYON POU VIZIT PASYAN KI PA ENTÈNE

- Pifò pasyan kapab gen jiska de konpanyon nenpòt kilè. Si yo entène pasyan an, politik depatman pou entène moun nan ap aplike yonfwa yo transpòte pasyan an.
  - Jackson pa bay sèvis gadri pou timoun pandan randevou yon pasyan ki granmoun; timoun yo pa dwe rete san siveyans nan resepsyon oswa sal datant yo.

### ENSTRIKSYON POU VIZIT SWEN ALONTÈM

- Nou otorize vizit nan etablisman swen alontèm nou yo, jan Leta egzije sa.

### EKSEPSYON AK LÒT POLITIK

- Selon lalwa Florid, chak pasyan kapab chwazi yon « asistan esansyèl » ki kapab rete an vizit pandan dezèdtan anplis de limit tan pou vizit ki nan politik sa a.
- Lalwa Florid ranplase tout politik sou vizit, sa ki pèmèt tout pasyan kapab resevwa yon vizitè selon kèk kritè, ki gen ladan:
  - Sitiyasyon fen lavi.
  - Pasyan ki t ap viv ak fanmi anvan yo te entène epi k ap lite ak chanjman anviwònman epi lefètke pa gen manm fanmi ki la pou sipòte yo.
  - Pasyan ki pran youn oswa plizyè gwo desizyon medikal.
  - Pasyan k ap fè fas ak pwoblèm emosyonèl oswa k ap kriye akòz yon zanmi oswa yon manm fanmi fèk mouri.
  - Pasyan ki bezwen yo gide yo oswa ankourajman yo manje oswa bwè kote se yon manm fanmi oswa yon asistan ki t ap fè bagay sa yo.
  - Pasyan ki te abitye pale epi gen konvèsasyon ak lòt moun, ki kounye a pale raman.
- Vizitè yo kapab oblije mete Ekipman pwoteksyon pèsònèl (PEE) ki apwopriye, sa ki pa kapab pi strik pase egzijans manm pèsònèl la.

*Dènye mizajou nan dat 31.01.2023*